

gnifico locotenente, che havemo convenuto far paxe, la qual *tamen* è facta, et durerà pocho. *Unde* vi ringratio assai de le offerte; adesso non bisogna, ma stati pur attenti et aparechiati, che, bisognando, possiamo haver lo adjuto vostro, o tal parole. Le qual letere esso missier Antonio mostrò al magnifico locotenente digando et pregandolo che 'l volesse proveder de far mandar fuora la zente, havea conducta in la terra esso sier Alvise da la Torre, e non fazendo la provisiom, che se intenda. El lochotenente se ne andò a messa la zuoba grassa prefata, *ubi ego aderam*, et *continue* sussitava la novella de' todeschi, che era soto e vicini a la terra de Udene, contra li qualli era *etiam* cavalehato, con li sui homeni, missier Antonio, a la volta de Predeman per impedir la depopulation de dicta villa. Non sapendo *tamen* alhora de tanto numero, credendo fusseno cento, over 200 al più, secondo lo consueto lhorò, *quia soliti erant descendere noctu et pauperes villicos ex improviso capere in villis*, et *tamen* vedendo che li todeschi havea preso 13 homeni in Pradaman, et fato bolini assai et *sic rediit domum*, et *ista nunciata fuerunt magnifico locotenenti*, *missam audienti, ubi aderant* sier Aloysius Turrianus et sui, qui asserebant palam hoc astutiam domini Antonii dicentes, lui fa questa coraria de todeschi per coprire lo eror suo. e per condur zente nove in Udene; et *sic* lo magnifico locotenente andò im piazza et li Turiani *ad domos et suas conventiculas*. Le novelle de todeschi pur multiplicava per la via più alta verso Cividale, *adeo* che stessemò in palazo fina horre 16. Et, audito che li todeschi *abducedant prædas suas ex diversis locis*, se ne andò a disnar, et *ego prandiendo audivi strepitum armorum ex opposito Turrianorum, ubi collecti erant multi de suis, et facta rixa cum ballistis et artellariis*, et messo fuoco a le porte, davanti et in la stalla de drio, et tragando de falconeti ne le fanestre, se messino in fuga li Turiani et arbandonorno la caxa, et per li beorali et *culminum tectorum* fugite in *domos vicinorum*, li qualli visti alcuni fu sagitati, etc. Et *tandem depopulata* et sachizata la caxa lhorò; et, incendio *ardens*, fo trovato missier Ysidro da la Torre in caxa li contigua de li Sbrojavacha, et li fo amazado. Non era morto, ma de bote mortale et inevitabile de morte, *ut dicunt* in la testa ferido languenti *extremis*, et poi intraro in una caxa li vicina dil vicario del patriarcha. Missier Alvise da la Torre, et Polidoro de Gorgo, vicini tuti, fo amazati ambo *crudelissime*. Poi, a hore do di note,

trovati in caxa de sier Francesco *de domo Columbanorum*, opposito de sier Zuan Batista de Candido, fu trovati missier Texeo da Coloreto, doctor, et sier Nicolò da la Torre, sier Zuam Lunardo da la Fratina, et quelli venendo fuora pian pian, sperando scampar, subito forno morti, et fo morto et manzato da' cani quella notte, quasi tutto, sier Federigo da Coloreto. *Item*, amazato crudelissimamente sier Soldaniero di Soldanieri, famegij zereha 3 morti, over 4 de questi Turiani morti. Presoni fati assai de domino Antonio Sovergnan, a li quali tuti è restato la vita per missier Antonio Savergnan; *videlicet*, sier Agustin da Petistagno con 3 fioli, sier Francesco de Cergnao, sier Trojam, sier Zuam Francesco de Parçeto, suo genero, sier Gotardo de Parçeto, sier Zuan Batista de Candido, alcuni dize *etiam* sier Agustin de Guberto, canonico de Civald; sier Zuam Batista de Candido et sier Antonio de Andecanis, fradello de mio zenero, li qualli hanno volesto star in custodia del dicto missier Antonio, per fuzir le furie popular. Heri poi fu trovato sier Batista de Bertolino, vestido in habito de carbonier, et, preso, fu amazato. Se dixe, esser stà amazato in uno conducto, Polidoro de la Fratina; Zuam Lunardo *etiam*, suo fratello, fu morto con missier Texeo, et *similiter* Nicolò de la Torre. Caxe mo bruxade e sachixate, con preda de ducati vinti milia, senza dubio sono queste, et prima:

La caxa de questi de la Torre, bruxata, ma prima 12
sachezata, e poi *solo æquata*.

La caxa de sier Francesco de Cirgneo, sachezata e
bruxata.

La caxa de sier Giacomo de Castello bruxata, ma prima
sachezata; la vechia *similiter*, e tutti li pavimenti de la nova predicta.

La caxa de sier Piero de Castello, sachezata et quasi
solo æquata, ma tutta lacerata e frachasata.

La caxa de sier Zuan Batista da Castello, sachezata.

La caxa di sier Antonio e di sier Nicolò da Terzago,
similiter, malissimo depredata.

La caxa di sier Batista da Bertolin, sachezata.

La caxa de missier Leonardo de Gubertis, fisicho,
sachezata.

La caxa de sier Soldaniero di Soldanieri.

La caxa de sier Guarento da Porto.

La caxa de sier Trojam da Porto.

La caxa de sier Troylo di Gorgi.

La caxa de sier Marin de Valentinis.

La caxa de sier Agustin de Pertistagno.

La caxa de sier Francesco Mazanive.